

PODACI O PROJEKTU

Žene u biznisu – Angažuj, inspiriši, osnaži

Bosna i Hercegovina – mart 2025. godine



Schweizerische Eidgenossenschaft
Confédération suisse
Confederazione Svizzera
Confederaziun svizra

Ambasada Švicarske u Bosni i Hercegovini



ANGAŽUJ, INSPIRIŠI, OSNAŽI – ŽENE U BIZNISU

PODRŠKA EKONOMSKOM OSNAŽIVANJU ŽENA

Rodna neravnopravnost u Bosni i Hercegovini (BiH) i dalje ograničava ekonomsko učešće žena. Žene čine 51% stanovništva, ali samo 38,8% radne snage, dok je svega 25% vlasnica biznisa. Tradicionalni društveni stereotipi, ograničen pristup finansijama i nedostatak podržavajućeg ekosistema dodatno ograničavaju poduzetničke i karijerne mogućnosti žena.

Program „Žene u biznisu – Angažuj, inspiriši, osnaži” nudi ženama svih dobi i društvenih grupa priliku da steknu poslovne i digitalne vještine u skladu sa zahtjevima vremena i tržišta, da ojačaju samopouzdanje i donesu informisane karijerne odluke, čime aktivno učestvuju u ekonomskom razvoju BiH.

Švicarska je donijela stratešku odluku da više saraduje sa lokalnim akterima u BiH kako bi povećala lokalno vlasništvo nad procesima i osigurala održivo korištenje postojećih kapaciteta. U skladu s tim, Švicarska podržava ekonomsko osnaživanje žena kroz partnerstvo sa tri dobro uspostavljene lokalne organizacije koje će zajedno osigurati širok doseg širom zemlje:

- [Fondacija 787](#)
- [Centar za edukaciju i istraživanje Nahla](#)
- [Privredna komora Republike Srpske](#)

Ove lokalne organizacije, koje već rade na osnaživanju žena, će zajednički zagovarati usvajanje rodno odgovornih politika zasnovanih na dokazima, izdvajanje adekvatnih resursa za razvoj biznisa, liderstva i ekonomsko osnaživanje žena od strane vlasti na svim nivoima.

Od decembra 2023. do novembra 2027. godine, kroz prilagođene oblike podrške, razvoj vještina i pristup

resursima, stvorićemo inkluzivna okruženja u kojima žene mogu napredovati, bilo da su na početku karijere, već djeluju u ključnim sektorima ili zauzimaju liderske pozicije.

CILJEVI I OČEKIVANI REZULTATI

Program se fokusira na ohrabrivanje žena da unaprijede karijere i preuzmu menadžerske pozicije, razvoju ličnih i profesionalnih vještina, i pomoć mladim ženama u profiliranju karijernih ciljeva. Cilj je pružiti snažniju i raznovrsniju podršku većem učešću žena u ekonomskom razvoju zemlje.

Ova inicijativa će doprinijeti stvaranju snažnijeg i inkluzivnijeg ekonomskog okruženja za žene u BiH, što će rezultirati većim brojem inspirisanih, angažiranih i osnaženih žena koje proaktivno učestvuju i doprinose ekonomskom razvoju BiH.



- Veći broj žena stiče samopouzdanje da pokrene ili unaprijedi svoje biznise u sektorima usmjerenim na rast.
- Veći broj žena teži napredovanju u karijeri i preuzimanju menadžerskih pozicija u privatnom sektoru.

Ambasada Švicarske u Bosni i Hercegovini

Zmaja od Bosne 11, Zgrada RBBH, objekt B, BiH-71000 Sarajevo

Tel. +387 33 27 58 50, +387 33 25 40 30, Fax +387 33 57 01 20

E-Mail: sarajevo@eda.admin.ch

www.eda.admin.ch/bosnia-and-herzegovina

- Rodno odgovorne politike zasnovane na dokazima uspostavljaju povoljan institucionalni okvir, zu neophodnu budžetsku podršku za promociju žena u biznisu.

Dugoročni cilj projekta je aktivirati neiskorišćeni potencijal žena u poslovanju, što će povećati produktivnost i bruto nacionalni dohodak.

ZAŠTO JE VAŽNO NASTAVITI ULAGATI U EKONOMSKO OSNAŽIVANJE ŽENA?

Kada žene više učestvuju u ekonomiji, koristi imaju svi. Veće učešće žena na tržištu rada može doprinijeti snažnijem i inkluzivnijem ekonomskom rastu, ali i pomoći u rješavanju nedostatka kvalifikovane radne snage u zemlji. Međutim, žene poduzetnice često se suočavaju sa značajnim izazovima, kao što su ograničen pristup potrebnim vještinama, poslovnim znanjima, finansijskim resursima i profesionalnim mrežama. Sistemi podrške poput poduzetničkih mreža, udruženja žena u biznisu i mentorskih programa mogu pružiti vrijedne uvide u pokretanje i upravljanje biznisom, finansijsko planiranje, marketing i upravljanje kriznim situacijama. Ulaganje u razvoj vještina, posebno kroz neformalno obrazovanje, može otvoriti vrata boljim poslovnim prilikama i većoj ekonomskoj nezavisnosti žena.

KOME JE PROJEKAT NAMIJENJEN?

Cilj programa je odgovoriti na potrebe žena u različitim segmentima populacije: mladim ženama u svim karijernim fazama, ženama u ključnim rastućim sektorima i ženama s višegodišnjim radnim iskustvom koje teže liderskim pozicijama.

- Ženama i djevojkama starijim od 16 godina koje žele razvijati svoje vještine i započeti karijeru ili voditi vlastiti biznis, kao i ženama koje žele napredovati u karijeri ili promijeniti karijerni put;
- Mladim i odraslim ženama koje su zainteresirane za pokretanje ili vođenje biznisa u sektorima s potencijalom rasta kao što su ICT, turizam, proizvodnja energije, industrijska prerada hrane, uslužne djelatnosti, trgovina i kreativne industrije;
- Ženama u sredini karijere koje su zainteresirane za preuzimanje liderske uloge u porodičnom biznisu ili u pravnom subjektu u kojem su zaposlene.

Projekt osnažuje žene preduzetnice u BiH kroz različite aktivnosti kao što su preduzetnički programi, studentske posjete, ideatoni i susreti. Paralelno s obrazovnim programima, žene će imati priliku za umrežavanje, savjetovanje i mentorstvo. Cilj je inspirisati, obrazovati i povezati žene, podstičući njihovu sposobnost da pokrenu i razvijaju uspješne poslove. Nadalje, projekat ima cilj i da podrži žene u biznisu u pristupu finansijama iz različitih izvora, uključujući i investitore.

Kroz direktno uključivanje, projekt godišnje utiče na više od 500 korisnica, doprinosi ekonomskom razvoju BiH i jača kapacitete institucija koje pružaju podršku ženskom poduzetništvu. Ujedno povezuje poduzetnice na nacionalnom, regionalnom i međunarodnom nivou organizacijom događaja i manifestacija.

UKRATKO O PROJEKTU

NAZIV: Žene u biznisu – Angažuj, Inspiriši, Osnaži

OBLAST:

Održiva saradnja u oblasti privrede i migracija

ZEMLJA/REGIJA: Bosna i Hercegovina

IMPLEMENTATORI: Fondacija za socioekonomski razvoj 787, Centar za edukaciju i istraživanje Nahla, Privredna komora Republike Srpske

PARTNERI: Organizacije civilnog društva, javne institucije, mediji, akteri iz privatnog sektora

POČETNA OSNOVA / POZADINSKE

INFORMACIJE: Iako čine polovinu stanovništva, žene u BiH suočavaju se sa značajnim ekonomskim preprekama. Ovaj projekat će pružiti prilagođenu podršku ženama koje žele pokrenuti vlastiti biznis, kao i postojećim poduzetnicama, promovirati razvoj karijere i zagovarati unapređenje politika s ciljem stvaranja inkluzivnije ekonomije.

CILJ PROJEKTA: Povećati učešće žena u ekonomskom razvoju kroz unapređenje njihovih poduzetničkih i liderskih mogućnosti te zagovaranje rodno odgovornih politika.

CILJNA GRUPA: Žene i djevojke starije od 16 godina koje žele pokrenuti biznis, razvijati karijeru ili preuzeti liderske uloge. Projekat je posebno usmjeren na sektore s velikim potencijalom rasta, kao što su ICT, turizam, proizvodnja energije, prerada hrane, uslužne djelatnosti i trgovina.

TROŠKOVI:

CHF 2.850.000 (doprinos Švicarske agencije za razvoj i saradnju – SDC)
CHF 5.140.000 (ukupan budžet projekta, uključujući lokalne i eksterne doprinose)

TRAJANJE: 01.12.2023 – 30.11.2027



Zajedno ubrzavamo napredak



eda.admin.ch/sarajevo



[SwissEmbassySarajevo](https://www.facebook.com/SwissEmbassySarajevo)



[SwissEmbassySarajevo](https://www.instagram.com/SwissEmbassySarajevo)



[SwissEmbassySarajevo](https://www.youtube.com/SwissEmbassySarajevo)



[SvicarskauBiH.ba](https://www.svicarskauBiH.ba)